

Es liegt an mir, es liegt an dir!

Käwön, geina, lacha, rearn,
vadauma, traun, hysterisch plärn.
Es liegt aun mir, es liegt aun dir!

Kriag und Friedn, vaguna, neidn,
fiarn aunan da sei, häfn, strein.
Es liegt aun dir, es liegt aun mir!

In aunan achtn, gsinda lebm,
neamd zuwilassn, nix vagebm,
es liegt aun mir, es liegt aun dir!

Mü vamein, in Waid spaziern,
d'Luft vapestn, betoniern,
es liegt aun dir, es liegt aun mir!

In aunan zuahern, nixe zredn,
Knöpfö drucka stattn redn,
es liegt aun mir, es liegt aun dir!

Aun ins liegts ob ma s'Guate toan,
s'Hirn eischaln, mehr tuan statt moan.
Da Herrgott gibt's, steh ei dafir,
es liegt aun mir, es liegt aun dir!